

Protokoll styremøte NPK

Tidspunkt: 18. januar 2023 09:00- 11.00

Sted: Scandic Ørnen i Bergen

Tilstede:

Fra styret:

Sigmund Lier, Tysvær
Hanne Berit Brekken, Aure
Torhild Selsvold Nyborg, Øygarden
Odd Jørgen Nilssen, Aukra
Terje Wikstrøm, Hammerfest
Sara Sekkingstad, Alver
Osmund Våga, Bøkn

Kommunedirektører /rådmenn

Sigurd Eikje, Tysvær
Håvard Sagli, Aure
Anne Erdal, Øygarden
Gerd Marit Langøy, Aukra
Marin Kulild, Alver
Bjørnar Fjellhaug, Austrheim
Ingeborg Skjølingstad, Bøkn

Andre

Tor Leif Helgesen, sekretariatsleiar

Godkjenning av møteinnkalling og dagsorden samrøystes.

Til behandling:

Sak 1-2023: Protokoll frå møtene 14. november og 15. desember 2022

Vedtak:

Samrøystes godkjende

Sak 2-2023: Fordelingsprosent Naturressurskommunane (NRK)

Framlegg til vedtak:

1. NPK vedtek å auka fordelingsprosent til 20 % av utgiftene i NRK på fast grunnlag for løpande arbeid i NRK.
2. For arbeid med inntektssystemet i 2023 videreføres vedtak om andel for NPK på 30 %.

3. Andre særskilte arbeidsoppgaver i NRK blir å vurderer konkret i styret frå sak til sak med omsyn til muleg endra fordelingsprosent for slike oppgaver.
4. NPK føreset at Naturressurskommunane (NRK) heile tida har fokus på kostnadsreduserande tiltak. Offentlege budsjett kroner må nyttast på best mogeleg vis.

Vedtak:

1. NPK vedtek å auka fordelingsprosent til 20 % av utgiftene i NRK på fast grunnlag for løpande arbeid i NRK.
2. For arbeid med inntektssystemet i 2023 videreføres vedtak om andel for NPK på 30 %.
3. Andre særskilte arbeidsoppgaver i NRK blir å vurderer konkret i styret frå sak til sak med omsyn til muleg endra fordelingsprosent for slike oppgaver.
4. NPK sin forutsetning for vedtak av punkta 1- 3 foran, er at Naturressurskommunane (NRK) heile tida har fokus på kostnadsreduserande tiltak. Offentlege budsjett kroner må nyttast på best mogeleg vis.
5. NPK styret ber styret i NRK (Naturressurskommunane) å setja ned eit utval som skal leggja fram forslag til kostnadsreduserande tiltak. AU i Naturressurskommunane utarbeider mandat for dette arbeidet.

Sak 3-2023: Utmelding Nordkapp kommune – kontingent 2023

Forslag til vedtak

1. Styret i NPK tek til etterretning utmeldinga frå Nordkapp kommune, og takkar for den tida kommunen har vore medlem.
2. Nordkapp kommune blir fritatt for kontingent for 2023.

Vedtak :

Styret i NPK tek til etterretning utmeldinga frå Nordkapp kommune, og takkar for den tida kommunen har vore medlem.

Sak 4-2023: Sekretariatsfunksjonen etter 1. april 2023

Framlegg til vedtak

1. Styret vedtek å engasjera Tor Leif Helgesen som sekretariatsleiar i NPK fram til nytt styre og ny styreleiar er vald.
2. Styreleiar og nestleiar får fullmakt til å gjera avtale med Helgesen.

Vedtak:

1. Styret vedtek å engasjera Tor Leif Helgesen som sekretariatsleiar i NPK fram til nytt styre og ny styreleiar er vald.
2. Styreleiar og nestleiar får fullmakt til å gjera avtale med Helgesen.
3. Styret vedtek å førebu endring i vedtekter slik at kommunen som har leiarvervet kan engasjere andre utover eigen kommune til sekretariatsfunksjon.

Sak 5-2023: Årshjul 2023

Sak lagt fram utan forslag til vedtak:

Vedtak:

Ulike datoar blei drøfta, og det er lagt inn i årshjulet dei datoar det på dette tidspunkt er muleg å setja inn. Årshjulet slik det nå er:

2023

17 – 18. januar . Årssamling med styremøte og årsmøte. Øygarden/Bergen .

25. – 27. april Barentshavkonferansen

Leiar og nestleiar representerer NPK på konferansen

31. mai og 1. juni Samling over 2 dagar i Aure kommune

Lunsj til lunsj samling

14. – 18. august Arendalskonferansen

Leiar og nestleiar representerer NPK på konferansen

16. oktober – 27. oktober Tingrettssak Gassco – Aukra Kommune

NPK er partshjelp og i utgangspunktet er det venta at leiar blir kalla inn som vitne i saka.

Styremedlemmer blir oppmoda om å delta ved oppstart av saken i Molde.

8. november . Styremøte i NPK etter kommunevalet.

Konstituering av nye kommunestyre er gjort i alle kommunar, og nye/gjenvalde ordførarar er på plass.

2024

Ingen datoar og stader er avklara i 2024. Forslag:

16. – 17. januar. Årssamling med styremøte og årsmøte ? Tysvær.

I inneverande periode har det vore samlingar i alle ilandføringskommunar. Og runden startar på nytt. Nye styremedlemmer har kome til, og som ikkje har sett anlegga. I tillegg skjer det mykje nytt rundt anlegga løpande.

Mai/juni 2024 Samling i Hammerfest ? Dato ikkje avklart.

Hammerfest var først på runden over møtestader, deretter Tysvær. Nå foreslås årsmøtesamling i Tysvær og vårsamling i Hammerfest.

Andre tidspunkter

Utover angitte tidspunkt vil det vera aktuelt med teamsmøter planlagt og ad-hoc. Det kan også bli aktuelt med dagsturarar Oslo. Dette må avklarast etterkvart. Framlegg kommuneproposisjonen i mai, samt statsbudsjettet kan innebera behov for samlingar teams eller fysisk.

Sak 6-2023: Partshjelp –drøftingssak

NPK har vedteke partshjelp med økonomisk bidrag til Alver Kommune. Dersom dom i lagmannsrett blir ståande, er økonomisk bidrag her ikkje aktuelt. Aukra kommune har bedt om partshjelp i tingrettsak uten økonomisk bidrag frå NPK; NPK har vedteke å gå inn som partshjelp i denne saken. Tysvær har handsama klage Gassco med søksmålsfrist 2. juni; mulig tingrettssak hausten 2023. Andre kommunar; i alle høve Øygarden og Aukra har klagesaker under handsaming. Mange saker under arbeid. M.a. drøfting økonomi for NPK og kommunene, og deltaking i rettsaker.

Vedtak:

Vidare partshjelp-saker blir drøfta og avgjorde når dette blir aktuelt i dei einskilte kommunane. Tingrettsaken Aukra kommune mot Gassco er beramma i Møre og Romsdal tingrett - Molde frå 16. oktober – 27. oktober. NPK er partshjelp. Styret blir oppmoda om å møta i starten av denne rettssaken.

Sak 7-2023 NPK-skule

Sak blei tatt opp på møtet.

LVK har eigen kursserie kalla LVK-skulen inn mot deira interesseområder.

Vedtak:

Kommunedirektører/rådmenn saman med sekretariatet blir bedt om å utarbeida eit informasjonsopplegg/kurs for folkevalde i samband med folkevalgtopplæringa etter kommunestyrevalet hausten 2023 inn mot NPK sitt interesseområde.

Sak 8-2023 Juridiske tenester - rammeavtale

NPK har inngått ein rammeavtale med Lund & Co om m.a. juridiske tenester . Avtalen blei inngått 1. juli 2020. Avtalen kan seiast opp kvart fjerde år, og dette skal eventuelt varslast seks månadar i forkant. I praksis betyr det vurdering av avtalen i 2023.

Vedtak:

Styret ber sekretariatet iverksetja eit førebuande arbeid inn mot vurdering og evaluering av avtalen i samsvar med dei tidsfristar som gjeld for denne.

Referat ved sekretariatsleiar

Tor Leif Helgesen